



Broj: 04 – 751-2 / 26

Datum: 14.04.2026. godine

Na osnovu člana 17. tačka d) Zakona o zapošljavanju i pravima za vrijeme nezaposlenosti Brčko distrikta BiH ("Službeni glasnik Brčko distrikta BiH" broj 1/23, 19/23 i 31/24), člana 17. tačka g) Statuta Zavoda za zapošljavanje Brčko distrikta BiH (br. 04-230/25), i člana 14. stav (2) Pravilnika o mjerama za podsticaj zapošljavanja (br. 04-1918/25), (u daljem tekstu: Pravilnik), a u skladu sa Odlukom Vlade Brčko distrikta BiH o odobravanju tekućeg transfera i usvajanja Programa utroška sredstava u korist Zavoda za zapošljavanje Brčko distrikta BiH za realizaciju Programa samozapošljavanja na području Brčko distrikta BiH u 2026. godini (broj: 13-000328/26, broj akta: 01.11-1186NK-009/26 od 18.02.2026. godine), Upravni odbor Zavoda za zapošljavanje Brčko distrikta BiH, donosi Odluku (br.04-751/26 od 07.04.2026. godine), da se objavi

JAVNI POZIV

za prijavu po Programu samozapošljavanja na području Brčko distrikta BiH u 2026. godini

1. SVRHA PROGRAMA / JAVNOG POZIVA

Javni poziv za prijavu po Programu samozapošljavanja na području Brčko distrikta BiH (u daljem tekstu: Javni poziv) ima za svrhu doprinos privrednom razvoju Brčko distrikta BiH kroz stvaranje uslova za samozapošljavanje i podizanje preduzetničkog duha, na području Brčko distrikta BiH.

2. KORISNICI PROGRAMA PO JAVNOM POZIVU

(1) Sredstva po Programu samozapošljavanja na području Brčko distrikta BiH (u daljem tekstu: Program) mogu biti dodijeljena:

- a) nezaposlenim licima,
- b) licima koja su registrovala poslovnu djelatnost u 2026. godini, do dana objave Javnog poziva,

(2) Opšti kriterijumi koje podnosioci prijava moraju ispunjavati da bi dobili sredstva po ovom Programu su:

- a) da je podnosioc prijave prošao obuku koja je organizovana po Programu samozapošljavanja za prethodne godine u periodu od 2014. godine do 2025. godine i/ili uspješno prošao obuku iz oblasti preduzetništva po Programu samozapošljavanja u 2026. godini (izuzev lica iz poglavlja 2. stav (1) tačka b) ovog Javnog poziva);
- b) da lice ima prijavljeno prebivalište na području Brčko distrikta BiH, najkraće od 31.12.2023. godine;
- c) da se vodi na evidenciji nezaposlenih lica Zavoda za zapošljavanje Brčko distrikta BiH (u daljem tekstu: Zavod), izuzev lica iz poglavlja 2. stav (1) tačka b) ovog Javnog poziva;
- d) da aplikant pokreće djelatnost iz oblasti proizvodnje, zanatstva i usluga (osim trgovine i ugostiteljstva).

3. LICA KOJA NE MOGU BITI KORISNICI PROGRAMA

(1) Pravo učešća na Javnom pozivu nemaju:

- a) lica koja imaju suvlasničke dijelove u preduzećima,
- b) članovi upravnih i nadzornih odbora u javnim preduzećima i javnim ustanovama,
- c) lica protiv kojih se vodi krivični postupak,
- d) lica mlađa od 18 godina,
- e) lica ili članovi njihovog domaćinstva (suprug/a, djeca ili roditelji) koja su već koristila sredstva po programu samozapošljavanja, osim u slučaju da je ugovor o samozapošljavanju istekao i da lice koje ostvari podsticajna sredstva po ovom Programu neće obavljati istu djelatnost koju je obavljalo, odnosno, onu koju je obavljao neko od članova njegovog domaćinstva i za istu, takođe, ostvario podsticajna sredstva;
- f) lica koja su u periodu od 12 mjeseci prije objavljivanja Javnog poziva odjavila registrovanu djelatnost.



(2) Kriterijumi navedeni u poglavlju 3. stav (1), ovog Javnog poziva, su eliminatornog karaktera i zahtjevi koje podnesu gore navedena lica se neće uzimati u razmatranje.

4. SREDSTVA ZA REALIZACIJU PROGRAMA

(1) Ukupan iznos sredstava za realizaciju Programa u iznosu od 1.000.000,00 KM obezbijeden je Budžetom Brčko distrikta BiH za 2026. godinu na organizacionom kodu 17010001, ekonomskom kodu 614100- Tekući transferi drugim i istim nivoima vlasti, „Transfer Zavodu za zapošljavanje Brčko distrikta BiH za realizaciju Programa samozapošljavanja na području Brčko distrikta BiH“.

(2) Sredstva za realizaciju Programa u iznosu od 1.000.000,00 KM se dijele na sljedeći način:

- sredstva u iznosu od 750.000,00 KM su namijenjena za aplikante iz poglavlja 2. stav (1) tačka a) Javnog poziva,
- sredstva u iznosu od 250.000,00 KM su namijenjena za aplikante iz poglavlja 2. stav (1) tačka b) Javnog poziva.

(3) Sredstva neutrošena iz jedne kategorije mogu se preraspodijeliti na drugu kategoriju.

(4) Iznos sredstava po jednom projektu:

a) za podnosiocе prijava koji u trenutku podnošenja aplikacije nemaju registrovanu djelatnost, dodijeljeni iznos ne može prelaziti 25.000,00 KM (slovima: dvadesetpet hiljada konvertibilnih maraka);

b) za podnosiocе prijava koji u trenutku podnošenja aplikacije imaju registrovanu djelatnost, dodijeljeni iznos ne može prelaziti 20.000,00 KM (slovima: dvadeset hiljada konvertibilnih maraka);

(5) Sredstva iz stava (1) ovog poglavlja se dodjeljuju u skladu sa pravilima za dodjelu državne pomoći male vrijednosti (*de minimis* pomoć) na osnovu člana 6a Zakona o sistemu državne pomoći u Bosni i Hercegovini („Službeni glasnik Bosne i Hercegovine“, broj: 10/12 i 39/20).

5. REALIZACIJA PROGRAMA / JAVNOG POZIVA

Program će biti realizovan:

- (1) Javnim pozivom, koji je integralan, što podrazumijeva da se prijavom na Javni poziv podnosioci prijave prijavljuju i na obuku iz oblasti preduzetništva.
- (2) Po raspisivanju Javnog poziva organizuje se program obuke iz oblasti preduzetništva sa ciljem osposobljavanja podnosioca prijava za pripremu i izradu poslovnog plana.
- (3) Odjeljenje za privredni razvoj, sport i kulturu (u daljem tekstu: Odjeljenje) će obezbijediti organizaciju i izvođenje programa obuke za podnosiocе prijave Programa navedene pod tačkom a), poglavlja 2. ovog Javnog poziva, a koji su se prijavili na Javni poziv.
- (4) Lica iz poglavlja 2. stav (1) tačka a) i b) ovog Javnog poziva, kao i lica koja su završila obuku u prethodnim godinama, moraju se prijaviti na Javni poziv. Lica iz poglavlja 2. stav (1) tačka b) ovog Javnog poziva, kao i lica koja su završila obuku u prethodnim godinama, nemaju obavezu da prisustvuju obuci iz oblasti preduzetništva.
- (5) Javni poziv će biti objavljen petnaest (15) dana na web-stranici Zavoda.
- (6) Podnosioci prijava koji podnose prijavu po Programu samozapošljavanja uz istu prilažu Izjavu o ispunjavanju uslova iz Javnog poziva.
- (7) Zavod će podnosiocе prijave obavijestiti o terminu održavanja edukacije, koja će trajati 9 dana (tri modula po tri dana), isključivo putem web-stranice Zavoda.



- (8) Svi podnosioci prijava su u obavezi, u roku od 7 (sedam) dana nakon sprovedene obuke tj. završenog programa obuke iz oblasti preduzetništva za 2026. godinu, dostaviti poslovni plan Zavodu, nakon čega se nastavlja procedura izbora podnosioca prijava sa najboljim poslovnim idejama.
- (9) Podnosioca prijava iz poglavlja 2. stav (1) tačka b), ovog Javnog poziva, kao i lica koja su završili/a obuku u prethodnim godinama, takođe imaju obavezu da dostave poslovni plan u roku od 7 (sedam) dana od dana završetka edukacije.
- (10) Komisija za ocjenjivanje će donijeti Poslovnik o radu, kojim se bliže određuje način rada i odlučivanja.
- (11) Komisija za ocjenjivanje je dužna kreirati obrazac za vrednovanje pristiglih poslovnih planova na osnovu kriterijuma propisanih Programom.
- (12) Komisija za ocjenjivanje je dužna da, u roku od 30 (trideset) dana (od dana prijema poslovnih planova), provjeriti da li su ispunjeni formalno-pravni uslovi od strane podnosioca prijave i ocijeniti poslovne planove, prema kriterijumima Programa, koji će se vrednovati u rasponu od 5 do 10 bodova, od strane svakog člana pojedinačno (na način kako je to definisano Poslovnikom o radu Komisije za ocjenjivanje kojim se bliže propisuje način rada, bodovanja i odlučivanja) te nakon toga sačiniti prijedlog rang-liste.
- (13) Komisija za ocjenjivanje sačinjava prijedlog rang-liste podnosioca prijava, koja će biti objavljena na oglasnoj tabli Zavoda i web-stranici Zavoda. Rang-lista sadrži ime i prezime podnosioca prijave, broj bodova i predložene iznose.
- (14) Na predloženu rang listu se može uložiti prigovor u roku od 7 (sedam) dana od dana objavljivanja.
- (15) Prigovor se podnosi Upravnom odboru Zavoda, putem protokola Zavoda.
- (16) Komisija za ocjenjivanje nakon što zaprimi pristigle prigovore, iste dostavlja uz pismeno izjašnjenje i usmenu prezentaciju predsjednika Komisije za ocjenjivanje, Upravnom odboru Zavoda na dalje postupanje i odlučivanje.
- (17) Nakon isteka roka za prigovore, odnosno donošenja odluke po prigovoru/ima, Komisija za ocjenjivanje utvrđuje konačnu listu rangiranih podnosilaca prijava.
- (18) Nakon donošenja konačne liste rangiranih podnosilaca prijava, Zavod s istima zaključuje ugovor o dodjeli novčanih sredstava za finansiranje po Programu samozapošljavanja u Brčko distriktu BiH.

6. KRITERIJUMI ZA VREDNOVANJE PRIJAVA

(1) Kriterijumi na osnovu kojih će se vrednovati prijava su:

- a) značaj projekta i njegov doprinos poboljšanju uslova za razvoj konkurentnosti, inovacija i preduzetništva – ocjena poslovne ideje;
- b) ocjena biznis plana;
- c) vrsta djelatnosti;
- d) doprinos projekta stvaranju uslova za zapošljavanje i mogućnost dodatnog zapošljavanja u naredne dvije godine;
- e) obezbijeđeno sufinansiranje projekta iz sopstvenih i drugih izvora, kako novčano, tako i materijalno;
- f) obezbijeđena ekonomičnost projekta – održivost projekta;
- g) sporazumi, predugovori za saradnju i posao, postojanje tržišta za djelatnost kojom se namjerava baviti.

(2) Prioritet pri izboru imaju podnosioci prijava starosti do 30 godina.

(3) Broj lica koja će biti obuhvaćena ovim Programom biće usklađen sa raspoloživim sredstvima.

7. NAMJENA I NAČIN ISPLATE ODOBRENIH SREDSTAVA

(1) Sredstva po ovom Programu, mogu biti odobrena za :

- a) nabavku opreme u 100 % iznosu od odobrenog iznosa,
- b) troškove zakupa i uređenja poslovnog prostora u iznosu koji ne prelazi 30 % odobrenog iznosa,



- c) nabavku repromaterijala u iznosu koji ne prelazi 30% odobrenog iznosa,
- d) ostalo (sitan alat, certificiranje i sl.) u iznosu koji ne prelazi 40 % odobrenog iznosa.

(2) Sredstva po ovom Programu se ne mogu koristiti za upis u sudski registar preduzeća.

8. OBAVEZE KORISNIKA SREDSTAVA

Saglasno članu 8. Programa, te članu 22. Pravilnika o mjerama za podsticaj zapošljavanja Zavoda, korisnici Programa su dužni/saglasni da:

- a) podnosioci prijave kojima su sredstva odobrena po Programu, a koji u tom trenutku nisu već imali registrovanu djelatnost dužni su da najmanje dvije godine od dana izdavanja sudskog rješenja o osnivanju poslovnog subjekta, aktivno obavljaju djelatnost za koju su registrovani,
- b) podnosioci prijave kojima su sredstva odobrena po Programu, a već imaju registrovanu djelatnost, dužni su da najmanje dvije godine od potpisivanja ugovora, aktivno obavljaju poslovnu djelatnost za koju su registrovani,
- c) redovno izmiruju obaveze po osnovu poreza i doprinosa,
- d) ukoliko podnosioci prijave kojima su sredstva odobrena po Programu ne ispoštuju ugovorene obaveze, neće moći učestvovati u programima zapošljavanja koji se finansiraju iz Budžeta Brčko distrikta BiH u narednih pet godina,
- e) Zavod može, u skladu sa Zakonom o finansijskom poslovanju Brčko distrikta BiH, ugovoriti da mu podnosilac prijave kome su odobrena sredstva preda neki od instrumenata obezbjeđenja ili da povrat sredstava obezbijedi na neki drugi način u skladu sa zakonom,
- f) ukoliko podnosilac prijave ne ispoštuje ugovorne obaveze, u obavezi je vratiti cjelokupan iznos dobijenih sredstava,
- g) rok u kojem sredstva moraju biti utrošena određiće se ugovorom zaključenim između Zavoda i korisnika Programa.
- h) sve što nije definisano ovim Javnim pozivom, a može biti od značaja za uspješnu realizaciju Programa, regulisaće se ugovorom zaključenim između Zavoda i korisnika Programa.

9. ROK ZA PODNOŠENJE ZAHTJEVA

- (1) Javni poziv počinje teći od 15.04.2026. godine a završava se 30.04.2026. godine i biće objavljen na web – stranici Zavoda.
- (2) Tekst Javnog poziva i prijavu sa priložima zainteresovana lica mogu preuzeti sa web stranice zzzbrcko.org ili u Zavodu.
- (3) Uz Prijavu na Javni poziv (sa Izjavom) podnosioci prijave dužni su priložiti Uvjerenje Javnog registra Brčko distrikta BiH o evidenciji prebivališta – obrazac PBA – 4A. Sve navedeno predaje se, lično, u Zavodu.
- (4) Dodatne informacije mogu se dobiti u Zavodu ili na telefon broj: 049/217-411 ili 049/233-661.
- (5) Neblagovremeno dostavljene prijave smatraće se nevažećima.
- (6) O rezultatima Javnog poziva podnosioci prijave biti će obaviješteni putem oglasne table i web stranice Zavoda.



Predsjednik Upravnog odbora

Ilija Gorčkić, dipl.oec /